

կան թափ կայ նրա հետեւեալ տողերի մէջ.—
Իսկ քէ կորնչի պիտի իմ հուսկ շունչ
Հոս մառախուղի մէջ համբ անշըշունջ,
Այժմէն քո՛ղ որ շանք մ'ըլլամ դալկահար,
Պըլլուիմ անուանդ, մոնչեմ անդադար,
Թո՛ղ անէծք մ'ըլլամ ու կողդ խրիմ,
Թո՛ղ յորջորջեմ քեզ «Աստուած ոխերիմ»:
Նրա ներքինը դժոխքի նման փրփրում է,
Նա դողդողում է, նոճիներ ի նման հեծում, հա-
ռաչում: Նա նման է «աչնան չոր տերեւի»: Ա-
պա յիշում է իր սիրոյ կարօտը եւ աղաչում է,
որ իրեն «կայծ» տրուի, որովհետեւ ապրել է
ուզում:

Ո՛հ, կայծ տրւե՛ք ինձ, կայծ տրւե՛ք, ապ-
րի՛մ...

Ի՛նչ, երագէ վերջ գրքիկ ցուրտ շիրի՛մ...
Այս ֆակատագիրը ի՛նչ սեւ է, Աստուած,
Արդեօք դամբանի մրուրո՞վ է գրծուած...
Ո՛հ, տրւե՛ք հագույս կրակի մի կաթիլ,
Սիրե՛լ կ'ուզեմ դեռ 'ւ ապրիլ ու ապրիլ...
Երկնի աստղեր, հագույս մէջ ընկե՛ք,
Կայծ տրւե՛ք, կեա՛նք՝ ձեր սիրահարին հե՛ք:

Բանաստեղծը նկատում է, որ իր այդ ա-
ղերսն էլ մեաց «ձայն բարբառոյ յանապատի»,
յուսահատում է եւ պատմում իր ողբալի կա-
ցութիւնը:

Գարունն ո՛չ մէկ վարդ ֆակտիս դալկահար,
Ո՛չ երկնի շողերն ժրպիտ մ'իմն հե՛ն տար.
Գիշերն միշտ դագաղս, աստղերը ջախեր,
Լուսինն յար կուլայ խուզարկէ վրէքեր.
Կ'ըլլան մարդիկ, որ լացող մը չունին,
Անոր համար նա դըրաւ այդ լուսին.
Եւ մահաւերձն ալ կ'ուզէ երկու բան.

Նախ կեա՛նքը, վերջը լացող մ'իւր վրբան:

Այլեւս ոչ մի կասկած չունենալով այն մա-
սին, որ ինքը պիտի մեռնի, նա երգում է սի-
րոյ, կեանքի եւ աշխարհի ունայնութիւնը:
Մինչդեռ ուրիշ բանաստեղծներ եւ փիլիսոփա-
ներ շատ ապրելուց, կեանքը վայելելուց, շատ
սիրելուց եւ երջանիկ օրեր անցկացնելուց յե-
տոյ են ձանձրանում, դառնում յոռետես, թըշ-
ուառ՝ Դուրեանը ծաղիկ հասակումն է ծծում
կեանքի մրուրը եւ դառնութիւնները, քսան
տարեկանում է խորապէս զգում մեր աշխարհի
ունայնութիւնը: —

Ի գո՛ւր գրքեցին աստղերն ինձի «սէր».

Եւ ի գո՛ւր ուսոյց բուրբուն ինձի «սիրել»,
Ի գո՛ւր սիւգեր «սէր» ինձ ներշնչեցին,
Եւ զիս նորատի ցուցուց ջինջ ալին,
Ի գո՛ւր քառուտներ լընցին իմ շուրջ,
Գաղտնապահ տերեւէ չափն երբեք չունջ,
Որ չը խրոտվեն... Երագէրս վսեմ
Թոյլ տրւին, որ միշտ ըզնէ երագեմ,
Եւ ի գո՛ւր ծաղկունք, փրփրներ գարնան՝
Միշտ խնկարկեցին խնկմանց խորան...
Ո՛հ, նո՛հա ամէնքը զիս ծաղրեր են...
Աստուծոյ ծաղրն է աշխարհն ալ արդէն...

Այս վերլուծութիւնից անշուշտ պարզուեց
ամէնքի համար, որ «Տրտունջ»-ը ո՛չ թէ միայն
Դուրեանի թաղն ու պատկն է, այլ եւ իրօք մեր
քնարական բանաստեղծական գրականութեան
գոհարներից մէկն է, որ 55 տարուց յետոյ էլ
չի կորցրել իր փայլը:

Մօր «արտօսը» տեսնելով Դուրեանը հրա-
շակերտեց իր տրտունջները, իսկ մօր աղօթքը
նրան դրդեց դրելու «Զղջում»-ը, որի մէջ նա
թողութիւն է հայցում Աստծուց եւ որոշ չա-
փով թուլացնում է «Տրտունջ»-ի թողած ուժեղ
տալանորութիւնը: Սակայն, նման «Զղջում»-նե-
րը չեն խանդարում, որ մենք «Տրտունջ»-ը
վերցնենք առանձին եւ նրան պատուաւոր տեղ
յատկացնենք հայոց գրականութեան մէջ:

Մեղ մնում է մի քանի խօսք էլ ասել այն
մասին, թէ ինչ նշանակութիւն ունի Դուրեանը
հայ գրականութեան համար:

Իր խորունկ ապրումները եւ հեծեծանքնե-
րն ու տրտունջները նա չէր կարող արտայայ-
տել մեռած, գրաբառ լեզուով, ուստի որոշ չա-
փով աղգուելով Ալիշանից եւ Պելիկթաշեանից,
նա գրում է արեւմտեան աշխարհաբարով: Կա-
րելի է ասել, որ նա աշխարհաբարով սկսողնե-
րի շարքում առաջինն է արեւմտահայոց մէջ՝
իր լեզուի մաքրութեամբ եւ գրաւչութեամբ:
Նրա լեզուն Շանթի լեզուի ճկունութիւնն ու-
նի:

Դուրեանի ոճն անզուգական է, իւրայա-
տուկ եւ բնորոշ, ուժեղ եւ պատկերաւոր, խոր
եւ բովանդակալից, պարզ ու գեղարուեստա-
կան իր արտայայտութեան ձեւերով: Նրա բա-
նաստեղծութիւնները ներդաշնակ երգեր են,
ինքնարուիս եւ սահուն, դրաւիչ, անգամ դիւ-
թիւ: Նրա հետ կարելի է համեմատել այնպիսի